

2020 Dáiddáršiehtadusa beavdegirji/Protokoll Kunstneravtale 2020

Mielde/Tilstede: **Sámi dáiddárráđi šiehtadallanlávdegoddi/Samisk kunstnerráđs forhandlingsutvalg:**
Ada Einmo Jürgensen, jođiheaddji/leder
Synnøve Persen
Niillas A. Somby
Biret Risten Sara, SDR hálddahušjođiheaddji/administrativ leder SDR

Sámediggi/Sametinget:
Magne Svineng, ossodatdirektevra/avdelingsdirektør
Arne Johan Turi, seniorráđđeaddi/seniorráđgiver

2020 Dáiddáršiehtadus

Ovttasbargošiehtadusa b. 10.12.2015 vuodul leat Sámediggi ja Sámi Dáiddárráđđi šiehtadallan ja soabadan 2020 šiehtadusa mii galgá leat fámus 01.01.2020 rájes gitta 31.12.2020 rádjái. Šiehtadus biddjo Sámedikki dievasčoahkkima ovdii dohkkeheapmái, ghč. Ovttasbargošiehtadusa § 13.

Ruđalaš rámma:

Sámediggi ja Sámi Dáiddárráđđi leat ovttaoivilis ahte dat ruđalaš rámma 2020 Sámediggebušehtas Dáiddáršiehtadussii galgá leat 8 570 000 ru. Dát mielddisbukta ahte lassáneapmi lea 220 000 ru. 2019 dáiddáršiehtadusa ektui, mii mearkkaša 2,6 % lassáneapmi.

Šiehtadusa ruđalaš rámma, 8 570 000 ru. juohkin:

Suorgi	2020 šiehtadus
Sámi Dáiddárráđi ja dáiddárorganisašuvnnaid doaibmadoarjja oktan doarjja fágabagadalliide	4 290 000
Dáiddafoanda	800 000
Stipeanddat sámi dáiddáriidda	3 430 000
Čájchanbuhtadus	50 000
Oktiibuot	8 570 000

Doaibmadoarjja sámi dáiddárorganisašuvnnaide ja Sámi Dáiddárráđđái oktan fágabagadalliide doarjja

Bealit leat šiehttan ahte ruđalaš rámma Sámi Dáiddárráđi ja sámi dáiddárorganisašuvnnaid doaibmadoarjagii oktan doarjagiin fágabagadalliide galgá leat 4 290 000 ru. Fágabagadalliid doarjja lea deatalaš vai dat guhtta dáiddárorganisašuvnna buoret nákejit nannet ja sealluhit doaimma sin iešguđetge dáiddasuorggi siskkobealde.

Dáiddafoanda

Várrejuvvo 800 000 ru. ortnegii. Bealit leat ovttaoivilis ahte Dáiddafoandda ruhta galgá juolluduvvot dáiddalaš ovttasbargoprošeavttaide ja Ad hoc-doarjjan.

Stipeanddat sámi dáiddáriidda

Bealit leat šiehttan várret 3 430 000 ru. sámi dáiddáriid stipeandaortnegii. Bealit leat ovttaoavilis ahte lea dárbu buot bargostipeandaid sturrodaga heivehit nu ahte dat čuvvot daid seammá satsaid maid stáda lea mearridan. Lea Sámi Dáiddárráđđi mii juohká ja hálldaša stipeandaid daid iešguđet ge slájaide.

Čájehanbuhtadus

Várrejuvvo 50 000 ru. ortnegii. Bealit leat ovttaoavilis ahte čájehanbuhtadus hálldašuvvo stipeandan sámi govvadáiddáriidda, dáiddaduojárriidda ja dáiddagovvejeddjiide, Sámi dáiddáriid ja girječálliid buhtadusfoandda bokte. Čájehanbuhtadus lea buhtadus dan dáidaga ovddas mii lea ostojuvvon Sámedikki govvadáidaga ja dáiddaduoji sisaoastinortnega bokte.

Girjjálašvuoda, musihka ja luodi gaskkustandoarjja

Bealit leat ovttaoavilis ahte dása ii biddjo ruhta 2019:s. Bealit leat viidáseappot ovttaoavilis ahte Sámi Dáiddárráđđi 2020:s sáhtta ovddidit proševtta mas ulbmil lea čalmmustahttit juoigama, sámi musihka ja čáppagirjjálašvuoda. Sámediggi lea gearggus meannudit ohcama diekkár prošektii iežas doarjjaohcanortnegiid bokte.

Sámi govvadáidaga ja dáiddaduoji sisaoastinortnet

Bealit leat ovttaoavilis ahte RidduDuottarMuseaide (RDM) hálldaša sámi govvadáidaga ja dáiddaduoji sisaoastinortnega, ja ahte juolludeapmi manná RDM doaibmadoarjaga sisa man Sámediggi juolluda jahkásaččat. Bealit leat ovttaoavilis ahte oastinortnega ruđalaš dássi galgá leat 400 000 ru 2020:s. Ostojuvvon dáidaga galgá čájáhussii boahpteáigásaš sámi dáiddamuseas. Ovdal go musea lea sajis de vurkejuvvojit dáidagat gaskaboddosaččat RDM luhtte Kárášjogas.

Eará

Bealit oidnet ahte Sámedikki ruđalaš rámma lea čadnon departemeanttaid jahkásaš juolludemiide stádabušehta bokte, ja dat lea mielddisbuktán ahte dáiddáršiehtadusa jahkásaš ruđalaš juolludeamis ii leat leamaš sávvahahtti lassáneapmi daid mañemus jagiid.

Bealit leat maiddái ovttaoavilis ahte šiehtadusinstituhtta galgá maid leat sadii gos sáhtta ovddidit ja ságastallat obbalaš dáidaga- ja kulturpolitihkalaš doaimmaid ja hástalusaid birra. Bealit leat ovttaoavilis ahte dat formáliserejuvvo ságastallančoahkkima bokte mii dollo juohke giđa.

Bealit leat ovttaoavilis ahte dat oasseulbmilat áigodahkii 2016-2019 mat bohtet ovdan ovttasbargošiehtadusas galget leat vuodđun boahpteáiggi bargui nannet ja ovddidit sámi dáiddaeallima. Bealit leat muđui ovttaoavilis ovttasbargošiehtadusa ođastit, ja ahte dat válbmejuvvo vuosttaš jahkebeali 2020:s.

Bealit leat ovttaoavilis ahte Sámi Dáiddárráđi ja sámi dáiddárganisašuvnnaid lahtuid gelbbolašvuoha sáhtta leat mávssolaš ja ávkkálaš Sámediggái go dáiddagullevaš áššit gieđahallojuvvojit sihke siskkáldasat ja olggobealde.

Kárášjohka/Karasjok 01.10.2019

Sámediggi/Sametinget
Magne Svineng
ossodatdirektevra/avdelingsdirektør

Sámi Dáiddárráđđi/Samisk kunstnerråd
Ada Einmo Jürgensen
SDR šiehtadallanlávdegotti jođiheaddji/leder
av forhandlingsutvalget SDR